


Wendy Leruarua o ilo pholosa




Kgalekgale, lelapa la
Seswaswitlhapi, ntate, mme le
bana ba bararo ba banyane, le ne
le dula mopopotlong wa lewatle le
letala le tebileng.



Thapama ka morao ho sekolo, bana
ba bararo bana ba ne ba thusa
batswadi ba bona ho hlwekisa
lelapa la bona moo lebopong.

Ka morao ho ho hlwekisa, ba ne ba
etsa mosebetsi wa sekolo ba ntoo
bapalla haufi le lebopong.



Lelapa la Seswaswitlhapi le ne le thabela ho dula moo lewatle. Ba ne ba fumana dijo tse ngata moo hape ba ne ba bolokehile.

Ho fihlela letsatsi le leng ...



... ha lelapa la Seswaswitlhapi le
utlwa motho a hoeleditse haholo.

Thusa! Thusa! Thusa!


"Ke mang ya hoeleditseng
jwalo?" Mofumahadi
Seswaswitlhapi a
botsa. "Ke a makala ho etsahala
eng?" ha botsa Monghadi
Seswaswitlhapi.
"Re a tshaba," ditlhapi tse
tharo tse nyane tsa lla.

Thusa!




Jwale kotsi ya ipetsetsa. Ba bona
Scaly Shaka a lelekisa
Angie Lengeloitlhapi wa batho.

Angie Lengeloitlhapi wa batho o
ne a tshohile hoo a ileng a sesetsa
tlasetlase lewatleng ho balehela
Scaly Shaka.




Lelapa la Seswaswitlhapi la
loha leqheka mmoho hore le ka
pholosa Angie Lengeloitlhapi
jwang?

Ba ne ba tseba hore ho ne ho na
le tlhapi e le nngwe feela e neng e
sa tshabe Scaly Shaka.





Monghadi Seswaswitlhapi a founela
Wendy Leruarua.

"Thusa Weny, thusa! Scaly Shaka
o batla ho ja Angie Lengeloitlhapi.
O mathateng haholo."



Wendy Leruarua a sesa ho ya
lapeng la Seswaswitslhapi.

"Ere ke thuse Angie
Lengeloitlhapi" ha rialo Wendy
Leruarua. "Ke moholo, ke matla
ebile ha ke tshabe Scaly Shaka".





Yaba o phahamisa mohatla a re
Scaly phaa! phaa! thwii! thwaa! ka
wona. Lengeloitlhapi a pholoha.

Angy Lengeloitlhapi a leboha
lelapa la Seswaswitlhapi a nto
sesa ka potlako ho kgutlela ha hae
holehole le Scaly Shaka.

Wendy Leruarua a boloka letsatsi.

Setswalle ke ho tshepana
le ho thusana.



bl



shaka



dolefine



kgudu




sehlopha sa
ditlhapi



lengeloitlhapi



peretlhapi



leruarua

Leruarua le Letala ke lona
phoofolo e kgolokgolo lefatsheng.



Maruarua ke dibopuwa tse hemang moyajwalo
ka rona.




saboletlhapi




jelitlhapi

i



seswaswitzlhapi



naleditlhapi

Mesebetsi ya ho bala ka dihlopha





1

- a. Bolella motswalle wa hao haeba o ratile pale ena.
Hlalosa hobaneng.
- b. O nahana hore ho ka be ho etsahetse eng hoja
Wendy Leruarua a se ke a araba mohala?
- c. Qapela pale ena qetelo e ntjha.



2

- Tadima ditshwantsho tse pedi. Nahana ka dipotso tse latelang o ntoo sekaseka dikarabo tsa hao le motswalle wa hao.



- a. Ke eng tse tshwanang ditshwantshong tse pedi tsee?
- b. Ke eng tse sa tshwaneng ditshwantshong?
- c. Tadima setshwantsho sa pele. O nahana hore lelapa la Seswaswiti hapi le ikutlwa jwang? Hobaneng o re le ikutlwa jwalo? Naa wena o kile wa ikutlwa jwalo?
- d. Tadima setshwantsho sa bobedi. Jwale o nahana hore ba ikutlwa jwang? Hobaneng o nahana hore ba ikutlwa tjena?
- e. Ha o ne o le tlhapi, o ne o tla ikutlwa jwang ha lelapa la hao le hlaselwa ke shaka?



3 Qetella mosebetsi ona bukeng ya hao ya ho ngolla.

- a. Fumana mantswe paleng a nang le medumo e latelang e qalang. A ngole fatshe:

tlh- ph- sh-

- b. Fumana mantswe paleng a nang le medumo e latelang mme o a ngole fatshe:

a aa ii nng tsi tsh

- c. Fumana mantswe paleng a qetellang ka “-ng”.

- d. Boloka mantswe ao ho pokello ya hao ya tlotlontswe.

metswalle tlhapi leruarua shaka

- e. Qetela dipolelo tsena o sebedisa mahokedi:

Ditlhapi _____ sesa lewatle.


Leruarua _____ hlasetse Shaka.

- f. Fetolela dipolelo tse latelang ho lekgatthelejwale.

Wendy o ile a sesetsa hae.

Ba utlwile motho a hoa.

g. Ngololla dipolelo tsena o ntoo
kenya matshwao a puo moo
ho hlokehang.



wendi a sesa ho ya lelapeng la Seswaswitlhapi

thusa wendy thusa

hobaneng Angie Lengeloi a ne a tshohile



4

Bala dipotso tsena mme o bolelle motswalle wa hao
dikarabo.

- a. Sehlooho sa pale ke eng?
- b. Baphethwa ba sehlooho paleng ke bafe?
- c. Pale e phethahala hokae?
- d. Lelapa la Seswaswitlhapi le ne le tobane le bothata bofe?
- e. Qoqa pale ena ka mantswe a hao. Ngola dipolelo tse nne
kapa hlano.
- f. Taka setshwantsho ho tsehetsa polelo ka
nngwe seratswaneng sa hao.



5

Ipehe maemong a Angie
Lengeloilhapi mme o ngolle
Wendy Leruarua SMS ho mo
leboha ha a o pholositse.

